



Broj: 06-06-647-2/18

Sarajevo 15.04.2019. godine

**PREDMET: Poziv na radionicu "EU Horizont 2020-Instrument za MSP"**

Poštovani,

Vanjskotrgovinska komora Bosne i Hercegovine/Sektor za edukaciju u saradnji sa "European Training Academy" (ETA) organizira radionicu "**EU Horizont 2020-Instrument za MSP**", koja se održava **17.06. i 18.06.2019. godine** u prostorijama Vanjskotrgovinske komore BiH u Sarajevu.

Ovaj program obuke ima za cilj razvoj kompetencija i vještina u okviru programa Evropske unije „Horizont 2020“ sa fokusom na SME instrument. Na obuci će biti predstavljeni otvoreni pozivi za dostavu projektnih prijedloga, način pisanja uspješnog projektnog prijedloga, primjeri uspješnih H2020 i IPA II projektnih prijedloga te će polaznici obuke imati priliku da se konsultiraju sa predavačem o konkretnim projektnim idejama i prijedlozima za koje su zainteresirani. Radionica je namjenjena predstavnicima malih i srednjih preduzeća (MSP), mikro preduzeća, organizacija za podršku biznisu, agencija za podršku inovativnosti, udruženja poduzetnika i sl.

Za učešće na dvodnevnoj obuci, naplaćivati će se kotizacija u iznosu od 279,00 KM + PDV za prijave do 29.05.2019., (30% popusta), 319,00 KM + PDV za prijave do 05.06.2019., (20% popusta), 359,00 KM + PDV za prijave do 10.06.2019. (10% popusta) te 399,00 KM + PDV za prijave nakon 10.06.2019. godine.

*U kotizaciju su uključena predavanja, lagani ručak i osvježenje u predviđenim pauzama te seminarski materijal i certifikat o uspješno završenoj obuci.*

Ispunjen prijavni obrazac potrebno je dostaviti prema navedenim terminima, a najkasnije do 13.06.2019. godine do 12:00 na e-mail adresu edukacija@komorabih.ba. Nakon izvršene prijave, podaci za uplatu kotizacije će Vam biti dostavljeni. Za sve dodatne informacije možete se obratiti na telefon: 033/566-201.

U nadi da ćete se odazvati našem pozivu, srdačno Vas pozdravljamo.

  
Dr. sc. Elma Kovačević-Bajtal, direktor

**Prilog:**

- Program seminara
- Prijavni obrazac

